

ՀԱՅԱՍՏԱՆԻ ԱՆՏԻԿՈՒԹՅԱՆ

ԱՍՏՂԻԿ ԳԵՒՈՐԳՅԱՆ*Արվեստագիտության թեկնածու***ՈՒՇԱԳՐԱԿ ԽՈՐՀՐԴԱՆԻՇ ՆԱԽԻՋԵՎԱՆԻ
1304 ԹՎԱԿԱՆԻ ԱՎԵՏԱՐԱՆՈՒՄ**

Նախիջևանը դարերի ընթացքում եղել է օտարազգի զավթիչների բռնատիրության տակ, սակայն տեղի հայ բնակչությունը, այդուհանդերձ, շարունակել է զարգացնել իր ազգային դարավոր մշակույթը: Գտնվելով առևտրական մայրուղիների խաչմերուկում, Նախիջևանը հանդիսացել է նաև արվեստի զարգացման կենտրոններից մեկը: Այստեղ գործել են բազմաթիվ գրչատներ, ընդօրինակվել ձեռագրեր: Պահպանվել են մի շարք գրիչների ու ծաղկողների անուններ, որոնց գործունեությունը ծավալվել է Նախիջևանում և շրջակա գյուղերում ու ավաններում: Մատենադարանում պահվող Նախիջևանում ընդօրինակված 30-ից ավելի ձեռագրեր նկարագարոված են:

Առավելագույն աչքի են ընկել Աստապատի գրչության դպրոցները: Աստապատը գտնվել է Արաքսի ձախ ափին և, ըստ զրավոր աղբյուրների, եղել է հոգևոր-մշակութային արժեքներով հարուստ մի կենտրոն¹: Այստեղ, 14-րդ դարում, Աբ. Վարդան և Աբ. Ստեփաննոս վանքերին կից, հիմնվել են գրչատներ, որտեղ դասավանդել են Գրիգոր Տաթևացու աշակերտները: Աբ. Ստեփաննոս վանքի (կոչվել է նաև Կարմիր վանք) գրչատունը գործել է մինչև 18-րդ դարը և համարվել «բարձր տիպի դպրոց»: Այստեղ սովորել են նաև գրչության, մանրանկարչության արվեստը և ընդօրինակել ձեռագրեր: Ահա այս գրչատանն էր ձեռագիր նկարագարողում Սիմեոն ծաղկողը (14-րդ դար) Նրանից պահպանվել ու մեզ է հասել միայն մեկ ձեռագիր՝ 1304 թվականի Ավետարանը²: Ձեռագիրը գրել է Գակոբ գրիչը, Նախիջևանում: Իր գործի մեջ բավականին հմուտ, զարգացած ու բանիմաց այդ գրիչը ոչ միայն ընդօրինակել է, այլև ձեռագրի բազում էջերում թողել բացատրություններ՝ տեքստում եղած անհասկանալի կամ օտար (իունարեն) բառերի մասին: Ձեռագիրը, գրվելուց հետո, տարվել է Աստապատ և հանձնվել Սիմեոն ծաղկողին՝ նկարագարողելու:

Ավետարանի հիշատակարանում կարդում ենք. «Բայց գրեցաւ սա ի մայրաքաղաքս, որ կոչի Նախիջևան, մեծ նահապետին Նոյի շինեալ ձեռամբ տունս իւր: Եւ կատարեցաւ նաղաշութիւն սորայ ի մեծ դաստակերտն Աստապատ կոչեցեալ, առ ափն հեղաշարծ և ծիածաւալ գետոյս Երասխայ... թողութիւն մեղաց խնդրեցէք գծողի սորա Յակոբայ... գծաղկողն և գկազմողն Սիմեոն... գի բազում աշխատեցաւ»³: Մեծածավալ թղթա այս մատյանի գեղարվեստական հարդարումը և ընդգրկված զարդանուրբները չափազանց ինքնատիպ են ու հետաքրքրական:

Սիմեոն ծաղկողի արվեստի ամենամեծ արժանիքն այն է, որ նրա զարդանկարները մեծ մասամբ իմաստավորված են, հարուստ են ոչ միայն

¹ Ամովելյան Խ., Գին Գայաստանի կուլտուրան, Կ. Ա., Երևան, 1931 թ., էջ 164:

² Մաշտոցի անվան Մատենադարան, ձեռ. 3722:

³ Խաչիկյան Լ., ԺՂ դարի հայերեն ձեռագրերի հիշատակարաններ, Երևան, 1950, էջ 25:

կրոնական թեմաների խորհրդանիշերով, այլև նրա բազմաթվանդակ լուսանցազարդերն առավելաբար կապվում են դիցաբանական, առասպելաբանական, հեթանոսական հավատալիքների ու ժողովրդական ավանդույթների, պաշտամունքի առարկաների, կենաց ծառի ու ծնող գույզի խորհրդանիշերի հետ, որոնք արտահայտված են վառ երևակայությամբ ստեղծված գունագեղ պատկերներով:

Այս զարդանկարներից շատերն արդեն արժանացել են մասնագետների ուշադրությանը: Հատկապես պետք է նշել բազմավաստակ գիտնական Ասատուր Մնացականյանի «Հայկական զարդարվեստ» մեծածավալ աշխատությունը⁴, որտեղ կան նաև Սիմեոնի բազմաթիվ զարդանկարները՝ իրենց գիտական մեկնաբանություններով:

Չեռագրում մեզ հետաքրքրող մանրանկարները, որոնք կուզենայինք ներկայացնել, դուրս են մնացել ուշադրությունից: Ղրանք տարբեր խորհրդանշաններ են, որոնք, կարծում ենք, միջնադարյան արվեստի ռուսամասի ժաման, ինչպես և ազգագրության համար մեծ հետաքրքրություն են ներկայացնում:

Ինչպես հայտնի է, ձեռագրերի զարդամոտիվներից շատերը դիտվում են որպես կրոնական թեմաներից բխող խորհրդանիշեր, որոնք մեծ մասամբ տեղ են գտել խորանների մեկնություններում:

Ուշագրավ խորհրդանիշեր կարելի է տեսնել նաև Սիմեոն ծաղկողի մոտ: Ավետարանի Մատթեոս ավետարանչի պատկերի խորքում, նրա աջ կողմում, պատկերված է նոան ճյուղ՝ նեերով, իսկ ձախ կողմում՝ խաղողի որթն է՝ ողկույզներով (տես նկ. 1): Մնշուշտ սա նկարչի պարզ երևակայությամբ ստեղծված հորինվածք չէ: Խորանների մեկնություններում նուրբ բազմիցս դիտվել է որպես մարգարեների խորհրդանիշ. «Ճառերը նոնենի են, որովհետև պտղի քաղցրությունը ծածկված էր կեղևի դառնությամբ, ինչպես Հիմ Օրենքով, իսկ պտուղը՝ ավետարանների մեջ գտնվեց, որ այդուհետև կաթողիկե եկեղեցին էր՝ երկնեանց գույներով զարդարված...»⁵:

Խաղողի որթը և նրա ողկույզները խորհրդանշում են Քրիստոսին իր աշակերտներով: Ինչպես Հիսուս է ասում իր աշակերտներին, «ես եմ ճշմարիտ որթատունկը, եւ իմ Հայրը մշակն է: Մնացեք իմ մեջ եւ ես՝ ձեր մեջ, ինչպես ճիւղը, որ ինքն իրեն չի կարող պտուղ տալ, եթե որթատունկի վրայ հաստատուած չլինի. նույնպէս եւ դուք՝ եթե իմ վրայ հաստատուած չլինեք: Ես եմ որթատունկը, իսկ դուք՝ ճիւղերը» (Յովհ. Ժե 1, 4-5):


Նման զարդամոտիվ կարելի է տեսնել Աղթամարի Ա. հաչ եկեղեցու արտաքին որմնաքանդակների շարքում: Տաճարի արևմտյան ճակատին Մատթեոս ավետարանչի դիմաքանդակն է: Նա պատկերված է դարձյալ Ավետարանը ձեռքին, իսկ ներքևում՝ որթատունկն է՝ խաղողի ողկույզներով ու նոան ճյուղերով⁶ (տես նկ. 2): Այս հորինվածքը նույնպես պետք է որ կապված լինի Հովհաննեսի Ավետարանի հիշյալ հատվածի հետ: Այստեղ, որթատունկի չորս անկյուններում, ավելացված են չորս աղավմիններ, որոնք հայտնեցին Քրիստոսի մարդեղության խորհուրդը: Ինչպես Խորանների մեկնությունում է ասվում, «Նաև աղավմիններ (Մովսեսը և նրա ընկերները, Հեսուն և Դավիթը), կարմրակտուց, որովհետև հայտնեցին Քրիստոսի մարդեղության խորհուրդը»⁷:

⁴ Մնացականյան Ա., Հայկական զարդարվեստ, Երևան, 1956, էջ:

⁵ Դազարյան Վ., Խորանների մեկնություն, Երևան, 1995, էջ 41:

⁶ Տեր-Ներսեսյան Ա., Հայ արվեստը միջնադարում, Երևան, 1975, նկ. 3:

⁷ Դազարյան Վ., նույն տեղում, էջ 27:



Յկ. 1



Յկ. 2



Յկ. 3

Նկարիչ-ծաղկողները, զարդը կամ դիմապատկերը նկարելիս, երբեմն նրա մոտ գրել են, թե ինչ են պատկերել: Նման բան հանդիպում է նաև Աիմեոն ծաղկողի այս ձեռագրի լուսանցագարդերից մեկում⁸: Այստեղ, զարդի ներքևում, կարմիր ներկով և զեղեցիկ բուլորգրով գրված է. «ՎԱՔ ՆՈՅՆ» (տես Յկ. 3): Ավետարանում զարդի բացառիկ անվանում: Վաքը աստղի անուն է և հիշատակվում է Անանիա Շիրակացու «Մնացորդ բանից» աշխատության ժեզլիսում. «Յաղագս խառնարան աստեղաց. Շնաստղն, Խողովակն, Վաքն, Ծիծառն... այս աստեղը են, որ ցուցանեն զանձրևաց սաստկութիւն և որ ի ծովու զնան սոքիմբք: մանաւանդ Այլղ, յայտնի ցուցանէ զնաւազնացաց զհետ, զի հիւսիսական աստեղըդ ոչ են զնացականց, այլ կացականց և շարժեալք ի վերին եօթ զօտեացն՝ որպէս ի ծովու ալէկոծին: Այս են նշանացոյց աստեղք»⁹: Ինչպէս տեսնում ենք, համաձայն Շիրակացու մեկնության, «ՎԱՔ»-

⁸ Մատենադարան, Ձեռ. 3722, ք. 153բ:

⁹ Անանիա Շիրակացի, Մնացորդ բանից, Սանկ-Պետերբուրգ, 1877, էջ 73:

ը մտնում է «անձրեաց սաստկութիւն»-ը ցուցանող համաստեղության մեջ, իսկ այդ գուշակումը Նախիջեանի և հատկապես «հեղաշարժ» (վարարող) Արաքսի ասին բնակվող Աստապատի բնակչության համար, որոնց զբաղմունքը երկրագործությունն ու այգեգործությունն էր, կենսական նշանակություն է ունեցել:

Հայտնի է մեր թվարկությունից առաջ գոյություն ունեցող եգիպտական այն ավանդույթը, ըստ որի քրմապետերը «Սիրիուս» աստղի միջոցով գուշակում էին Նեղոսի վարարումը, որը մեծ դեր էր խաղում հողագործության ասպարեզում¹⁰:

Նախիջեանի հայությանը հավանաբար ծանոթ է եղել «ՎԱԶ» աստղը, և նրանով գուշակել են անձրևային հորդառատ տեղումները: Գուցե սա է առիթ հանդիսացել, որ նկարիչը հարկ է համարել այդ զարդը պատկերել Ավետարանում որպես մարգարեական գուշակություն: Ժողովուրդը, Ավետարանին դիմելով, պետք է կարողանար կանխել վտանգը:

Նման բովանդակությամբ հայկական ժողովրդական ավանդապատումներից մեկն էլ վերաբերվել է ծյունափոթորկի գուշակմանը:

Հիշատակվում է, որ Մոկս գավառի եղերով լեռան վրա շինված Սուրբ Գևորգ վանքը մշտապես ունեցել է մի աքաղաղ, որը գուշակել է ծյունափոթորիկը՝ կանչելով կամ լուռ մնալով, և դրանով զգուշացրել ճամփորդներին ճամփա ելնելիս. «Աքաղաղ – Մոկս գավառի եղերով լեռան վրա շինված Փութկու կամ Փոթորկի Սուրբ Գևորգ վանքը միշտ կունենար աքաղաղ մը, որը կգուշակեր ծյունափոթորիկը, կանչելով կամ լուռ մնալով և կզգուշացներ ճամփորդները ճամփա ելլելն»¹¹:

Խորանների մեկնություններից հայտնի է, որ աքաղաղը խորհրդանշում է մարգարեներին ու առաքյալներին¹²: Հավանաբար տեղի ժողովուրդն առաջնորդվել է դրանով՝ իր կենցաղի հետ կապված բնության երևույթներից պաշտպանվելու համար դիմելով Սուրբ Գևորգի օգնությանը:

¹⁰ Բաղայան Գ., Օրացույցի պատմություն, Երևան, 1970, էջ 43:

¹¹ Հայ ազգագրություն և բանահյուսություն, հ. Ա, Երևան, 1970, էջ 193:

¹² Ղազարյան Վ., նույն տեղում, էջ 25: